

華東卷·第八輯
拾

中國地方藝文薈萃

《中國地方藝文薈萃》編委會 編

貴州师范学院内部使用

當湖文繫初編二十八卷（五）

貴州师范学院内部使用

當湖文繫初編二十八卷（五）

（清）朱壬林纂輯

據清光緒十五年（一八八九）刻本影印

當湖文繫卷二十三目錄

卷第二十三 傳

陳祠部傳

明 馮伯禋

兩過先生傳

馮伯禋

兩介士傳

明 沈懋孝

王海山傳

明 李天植

沈摩青傳

李天植

張烈婦小傳

明 陸上瀾

遠祖小山公傳

明 沈紹閻

徵君陸巨石傳

國朝 陳國政

兵部員外郎芝房公傳

國朝

陸洽原

僉都御史岫青公傳

陸洽原

濟南推官墨濤傳

陸洽原

過叔寅先生傳

陸洽原

明季兩貢士傳

國朝

陸棻

寄廬先生傳

國朝

陸棻

馬飛生傳

陸棻

陳祠部傳

明馮伯禮

陳祠部萬厯閒諍臣謫饒平尉以死稱祠部者謫以諫諫以祠部郎志大節也祠部公諱泰來字伯符別號員嶠美丰姿穎慧絕人讀書一目不忘從其父學父諸生二典經師甚莊弟子歲數十人公晨偕諸弟子受書頃業畢徧爲諸弟子掄文代父任十六補諸生十九郡守李公擢諸生第一人是年舉浙江鄉試萬厯丙子也丁丑成進士江陵子嗣脩及第二人攜公手以君年才不當館選耶公佯弗省及試翰林先生奇其文以額浮罷歸娶明年謁選乞就順天府教授師表屹然以名節訓其諸生諸生人人感厲賢聲著公卿閒遷國子助教遇覃恩請移封父

二典如子官時江陵敗上顯擢言者言者競言閣部大臣事大臣頗裁抑之貶謫者復數人吳江當國公其門下士上書數千言大約謂天子旌直臣不務成其美而導之拒諫何吳江謾謝已弗憚會南祠部馬公應圖疏詆閣臣以上疏人居停公所疑公與謀公弗辨移疾歸侍養封公夫婦伊吾墳典若將終身焉居三歲所封公督迫就任強起補故官尋轉禮部祠祭司主事晉員外郎典試河南敘策於時事多彈射觀者縮舌時朝臣請建儲不得婁江當國請三子並封出閣公抗疏謂並封並尊非所以別嫌疑明等威母乃向者久不建儲微意耶上怒下旨切責奪俸並封議遂寢無何遇京察餘姚孫公鑰秉銓與考功趙

公南星多黜政府親厚及處分拾遺與臺省忤上怒切責冢宰
奪考功官公抗疏黜考功爲相府私人報怨耶旨下罵公昔日
廷辱元輔今復妄生議論其謫邊尉永不錄遂以饒平典斐行
兩次輔者素以名誼相契公爲書數千言貽之後兩輔究竟皆
不出公所規云道過家起居封公兒不孝以投荒爲夫人憂公
自是每闕邸報氣填不能竟讀將赴任訪沈純甫先生於菴劇
談竟夕歸抵家一夕卒時年三十六公才揮霍有餘又恃其精
力於技無所不欲精於事無所不欲身親之竟以此困古文詞
詩賦援筆立就入漢唐堂奧書法有晉人風學使伍公特檄祀
公學宮洪公錄公子爲諸生奉公祀公無子求當嗣者襁褓衣

冠之以俟壯天下重公如此

馮生日始陳公上書相府人謂犯相怒無直名書何如疏公曰
我言用何庸名此非古純臣志哉讀一疏卽不異退之敬輿封
事矣公閱報氣填礦稅諸使尙未出也令公而覩後事公不亦
嘔血死耶

兩過先生傳

明 馮伯禪

兩過先生父子也曰龍濱先生橋曰九山先生厚裔出夏時諸侯國姓流傳爲洛陽任氏其復爲過自名象賢者始宋南渡直前護駕高宗謂過江從義賜復今姓以其子爲徐王郡馬勝國時名宗一者養母不從張士誠聘被刃面過半人稱過半面避地鹽官之當湖明宣德當湖隸平湖爲平湖人子孫世世受儒多博士高第而成進士則成化閒按察副使璘也至嘉靖初有龍濱先生先生實過翁鄰竹子爲翁兄鄰松後娶俞孺人十九而稱未亡人備姜其孟狄之節以撫先生先生十四能文章輒有四方志孺人屬宗老延故岡卿周如砥先生至家出拜之託

以子先生從周先生於越閒數載孺人日夜紡績給館穀先生益感勵不敢言歸久之學成孺人生計亦大治年十八補博士弟子督學進賢萬公與徐文貞公皆大賞之自是試輒冠諸生諸高才生莫與抗者獨與孺人姪故比部乾稱文字交門下執經日盛館穀之入以竭甘旨孺人却箸不御先生上書直指使者學使者言孺人守節狀使者旌其門先生之爲諸生二十五年七試棘闈卒無所遇用廩次應貢督學豐城雷公擢全浙第一人當廷試念俞孺人老徘徊不忍行卒於家時年四十七後三年俞孺人乃卒先生爲人仁厚好施性尤孝友事俞孺人不同異鄰竹翁媪務察孺人微意得其權能使孺人忘其無出兄弟

四人嗣產及廩贄所得出而公之俞孺人姪配陳孺人姪若弟
皆爲置室二氏因以有後他所緩急人不可枚舉先生中年延
呂司空穆馮參知皋謨教長子化而顧其少子厚汗血駒在此
乎所謂九山先生者也九山先生六歲時父使視刈奴匿穗歸
而密白父問何不面摘曰兒不敢先家督父寢疾調湯藥牀前
日不交睫祈以身代年十二喪父哀毀踰成人兄豪宕輕財逢
倭亂坐大役析箸時父業存什之一先生田任瘠廬任傲怡然
取遺書下帷讀之師事馮先生及姜孝廉天衢先生博極經史
揣摩千古善敗設身其地爲文有蘇長公風氣格稟西京意旨
稟濂洛畢大司徒鏘來督學拔諸生第一人士林稱之如龍濱

先生而篤行益甚事母陳孺人極誠敬甘旨非手調不進年至三十餘朝夕孺人旁孺人晚年樂依先生每爲加餐兄家日落先生亦貧矣養之唯謹爲妹治裝畢其力伯父東臯無子遺貲可千金先生當嗣治命屬之族有冀者先生盡推與無所受築室養婦翁終其身卒時值歲凶鬻田葬之人謂先生長者難以訟先生第自理終不忍斥言其非當事廉得其狀欲置之法先生涕泣爲請解從兄熙以布衣上書闕下言時政忤有司熙死子必改方幼仇家中以逋負有司視牘姓以爲妄并治其冒姓言事罪族盡恐先生直入言姓所由以大義爭之有司愧服鄉人顧某爲狡黠所挾求解於先生夜懷金進先生正色卻之詰

曰昌言其冤某得白終不敢言謝歸識先生姓字祝之周先生
督學南畿招往見謝不赴張封公望山以世講故冀一及門不
可得其敦尚名檢多類此先生內傷父志不伸刻勵爲舉業苦
心過當得心疾甫三十九卒所輯性理綱鑑要畧藏於家疾革
時屬冢子庭訓爲我完書債代我善事祖母又曰宅心欲虛用
功欲實吾輩不及古人病源反是冢子感泣奮力爲聖賢學問
試又最諸生推擇明經師用餼廩館穀稍復故業家由此起已
登進士第令江陵以循良最贈先生如子官徵爲御史數論國
家大事直聲振天下奉特簡賑山東再以御史最贈先生如子
官旣疏陳曾祖母祖母母苦節得旨建坊郡邑監司大夫又廉

輿論兩先生孝行從孝子宗一春秋祠祀之御史嘗屬伯禋爲傳至是理前牘備采風而郡邑志具載兩先生及先後諸孝節矣稱先生不以爵重先生也

贊曰太史公傳儒林不詳伏董諸行誼夫詩書不本諸孝弟賢聖所紹明爲何事兩先生以天倫敦實學當世覩眞儒之致匪獨鬚眉爲然閨門千古凜凜三世以此知過氏學矣御史卓然俗表有古名臣概諸孫彬彬世其風有以夫